

Toletana Canonicatus

Super Declaratoria.

Stantibus &c.

Dabium = *An constet de partitione, vel potius sit relaxanda declaratoria in casu &c.*

Reu. Pater. CVM nonnulli in Canonicos Ecclesię Toletanę aggregari curarent, quorum Genitores Christianę Religionis tramites nefarię transgressi fuerant, & in dicta Ecclesia varia scandala, & dissensiones oriebantur. *Summario num. primo in principio*, hinc euenit, vt aliqui ex illius Capitularibus Personis præsertim de infecta Hebræorum progenie descendentes tamquam de crimine hæresis suspecti intra eandem Ecclesiam de mandato Inquisitorum hæreticę prauitatis illarum Partium capti, ac ex eis sic eorum exigentibus demeritis nonnulli combusti, & alij pœnitentijs publicis afflicti fuerant in illius Ecclesię, & illius Personarum non leue dedecus, & opprobrium, & Christifidelium scandalum, *Summario dicto num. primo litt. B.*, hinc Archiepiscopus, & Capitulum cupientes huiusmodi inconuenientibus obuiare Statutum ediderunt super Sanguinis puritate sub his formalibus verbis conceptum, ibi = *quodque ex tunc deinceps in perpetuum non nisi Clerici illustres, aut Nobiles, seu Litteris præditi in aliqua generali Vniuersitate Studiorum graduati, qui ab antiquis Christianis nulla Hebræorum, aut Saracenorum, seu Hæreticorum macula infecti originem ducerent ad Dignitates, seu Canonicatus, & Præbendas &c. in eadem Ecclesia pro tempore vacantia admitti possent, & si admissi ex certa, & vera Informatione, quod de Hebræorum, aut Saracenorum, aut Hæreticorum progenie descenderent reperiiti fuissent, statim ab eadem Ecclesia expellerentur &c.* = vt latius ex *Summario dicto num. primo litt. C.*

Statuerunt etiam, vt omnes, & singuli, qui ad Dignitates, Canonicatus, & Præbendas, portiones, & Beneficia in dicta Ecclesia essent admittendi, quod iurare tenerentur dicti Statuti obseruantiam, quodque non possent à S. Sede, nec à quocumque Prælato relaxationem iuramenti impetrare.

Statuerunt etiam, vt quotiescumque aliquis compareret in Capitulo ad petendam possessionem alicuius Dignitatis, vel Canonicatus &c.

deputaretur *vnus* Canonicus ex antiquis Christianis originem du-
cens à dicto Reuerendissimo Capitulo, vt informationes suscipere
super qualitate illius, qui peteret admitti *Summario dicto num. primo*
& san. mem. Paulus Quartus, non solum dicta Statuta confirmauit,
sed vterius motu proprio præcitatis Statutis addidit, fortè pro in-
demnitate eorum, qui prouisi fuerant, ibi = *motu, scientia, auctoritate, & potestate supradictis tenore presentium decernimus, & decla-*
ramus = & voluit, vt Informationes circa recipiendarum personarum
qualitates sumerentur absque dilatione, ac sublati etiam de
medio excusationibus quantumvis licèt iustissimis, & subterfugijs
quibuscumque à personis à dicto Capitulo deputandis, qui assumere
deberent onus sumendi Informationes ipsas, easque vsque ad debi-
tum finem perficiendi, ad quem effectum summus Pontifex dd. Ca-
nonicis à Capitulo deputatis pro facienda, & perficienda dicta In-
formatione plenariam facultatem, & potestatem concessit cogendi
etiam per censuras Ecclesiasticas ad perhibendum veritatis testi-
monium, vt plenius ex *Summario dicto numer. primo litt. G.*
& H.

Et denique decreuit, ibi = *si postmodum factis informationibus, iuxta*
Statutum, & ordinationem huiusmodi qualificatus repertus fuerit,
eo ipso, quod in Festo S. Michaelis Arcangeli, seu alia quauis die præ
receptione comparuerit, & Litteras prouisionis de Dignitate, aut Ca-
nonicatu &c. ipsi Capitulo præsentauerit, & propterea præ sui desuper
receptione insisterit, ex tunc à die comparitionis præ debite, vt in ipso
Capitulo meris est recepto, & admissio, ac præ præse, & residente
in eadem Ecclesia habeatur in omnibus, & per omnia, perinde ac si
comparitionis, & præsentationis suæ huiusmodi receptus, & admissus
sicut præmittitur, ac in possessionem corporalem dignitatis, seu Cano-
nicatus, & Præbendæ inductus tunc fuisset = dicto *Summario num. primo*
litt. I.

Cùm autem D. Ioseph Fernandez de Iubera Principalis fuisset per Se-
dem Apostolicam prouisus de Canonicatu, & Præbenda in Sancta
Ecclesia Toletana per glor. mem. Clementem XI., & Literas suæ
prouisionis in forma gratiosa expeditas præsentasset Reuerendissi-
mo Capitulo Toletano, ad hoc, vt in earum executionem Canonici-
catus possessionem illi extraderet die 3. Octobris 1712., Reueren-
dissimum Capitulum respondit, vt exhiberet suam genealogiam
ad effectum, vt deputari posset Canonicus pro capienda Informa-
tione ad formam dicti Statuti, qua præsentata Reuerendissimo Ca-
pitulo Toletano, fuit ab eo deputatus Canonicus D. Barnabas An-
tonius de Salazar, ad hoc, vt ad formam dicti Statuti Informationes
suscipere, quibus completis deberet ad Ecclesiam Toletanam re-
dire, hinc dictus Canonicus post susceptas Informationes tam in
Ciuitate Seguntina, quæ est Patria Principalis, quam in Terra
Acqua-

Acquauitæ, & in Villa Matriti, in quibus Locis quàmplures
Testes examinauit, antiquas Scripturas compulsaui, & alia pere-
gisset die 27. Nouembris existens in Villa Matriti mandauit Nota-
rio, vt attento, quod nihil aliud faciendam superesset pro dicta
Informatione Processum clauderet, & sigillaret.

Præsentato Rmo Capitulo, à d. Canonico Commissario eod. Processu
quauis dictum Reuerendissimum Capitulum nihil aliud agere po-
terat, nisi an ex dicto Processu fabricato à dicto Canonico Infor-
mante constaret de aliqua impuritate Principalis, cum ex dictis Sta-
tutis, & Breui Apostolico nulla alia facultas dicto Reuerendissimo
Capitulo tribuatur, & facultas conficiendi, & perficiendi Processum
per Summum Pontificem totaliter concessa fuit Canonico infor-
manti, nihilominus quia Reuerendissimo Capitulo innotescebat,
quod alter Ioseph Fernandez Iubera Patruus Principalis, & Cano-
nicus Conchenensis non fuisset admissus in Collegio Sanctæ Crucis,
quamuis postmodum idem fuisset admissus in Iudicem Sanctæ In-
quisitionis, nihilominus egreferentes, quod tenebantur admittere
in Canonicum dictæ Sanctæ Ecclesiæ Principalem, cuius Patrum
non admiserat Collegium Sanctæ Crucis, & ex Processu facto per
Canonicum Commissarium plenè constabat, admissionem illius tunc
fuisse denegatam propter falsum testimonium duorum Testium, qui
de auditu auditus deposuerant, Isabellam de Torres quintam
Auiam Principalis fuisse Iudaismo infectam, hinc Capitulum
Decretum interposuit, quod probationes non essent com-
pletæ.

Cum autem in Statuto expressè caueatur, quod quotiescumque ex
Processu facto à Canonico Informante constet de qualitate illius,
qui petijt in Canonicum admitti, statim admitti debeat; *Summario*
dicto num. primo litt. I., hinc Principalis appellauit ad Sanctam Se-
dem Apostolicam à denegata sibi possessione per Capitulum, vt ex
tenore Commissionis manu Sanctissimi signatæ, *Summario num. 2.*,
vocatoque ad Causam Illustrissimo Capitulo Toletano, & subscri-
pto Dubio coram Reuerendissimo Decano = *An Litteræ Apostolicæ*
essent exequendæ affirmatiua prodijt resolutio, ex quo ex Processu à
Canonico Informante confecto nulla apparebat probata macula
impuritatis, sed euidentis puritatis probatio reultabat, vt ex *Decisio-*
Reuerendissimi Lancetta, post cuius publicationem decreta fuit in
contradictorio Partium Iudicio Causæ expeditio, & publicata sen-
tentia, qua non solum pronunciatum fuit Literas Apostolicas pro-
uisionis dicti Canoniciatus esse exequendas, sed decretum Mandat-
um de immittendo in possessione dicti Canoniciatus, *Summario dicto*
n. 2. litt. K. & L; sed etiam condemnatum fuit Capitulum ad resti-
tuendum omnes, & singulos fructus, distributiones, & emolu-
menta quacumque ei debita, tam ex Juris dispositione, quàm

iuxta formam Statuti dictæ Ecclesiæ, dicto Summario num.
litt.O.

Obtinuit Illustrissimum Capitulum Toletanum per Signaturam Gratia committi Causam appellationis in suspensuo cum clausula *Alteri qui ad legitimam* = & Commissio præsentata fuit bon. mem. Reuerendissimo Ansaldo, coram quo disputato Dubio = *An procedendum ad legitimam* = pariter affirmatiua prodijt resolutio in publicata Decisione confutata, magis, magisque fuerunt insistentes exceptiones impuritatis ex parte Capituli promotæ, & quædem vsque ad euentum, sublata etiam possibilitate prætensionis Isabellæ de Torres, vt plenius in eadem Decisione, publicata de Anno 1717., in cuius sequelam pariter decreta Causæ expeditio, & publicatum Decretum pro executione Sententiæ Rm̃i Decani.

Postquam quidem Sententiam idem Illustrissimum Capitulum Toletanum recursum habuit ad Signaturam Gratia, & obtinuit Litera compulsoriales speciales pro compulsandis assertis Processibus etis per duo Collegia Regnorum Hispaniæ, nempe Collegij Sancti Idelphonsi, & Sanctæ Crucis, quarum Compulsorialium vigore tardatus fuit cursus dictæ Causæ spatio quatuor, & ultra annorum, & tandem probata irrelevancia plusquam clarè dictorum Processuum coram R.P.D. Auditore Sanctissimi, fuit ab eo interpositum Decretum, quo Causam iterum remisit ad hoc Supremum Auditorium, mediante signatura Commissionis cum clausula = *Alteri qui ad ulteriorem legitimam* = dicto Summario num. 2. litt. AA., & Patet aduersa ad formam dicti Decreti signari curauit à Sanctissimo Domino Nostro Commissionem directam R. P. D. Herrera cum dicta clausula = *Alteri, qui ad ulteriorem legitimam* = & cum facultate concedendi Litera Compulsoriales, prout Juris fuerit, dicto Summario num. 2. litt. GG, quocirca concordatis coram Reuerendissimo Domino meo Ponente in locum dicti R. P. D. Herrera ad Episcopatum Siguntinum assumpti duobus Dubijs, primum nempe *An sit procedendum ad ulteriorem legitimam executionem* = Alterum verò = *An Capitulo sint concedendæ Litteræ Compulsoriales speciales* quibus propositis in Rota habita die 11. Januarij 1723. emanauit resolutio in utroque Dubio fauore Principalis, vt ex Decisionibus quæ registrantur in dicto Summario num. 2. à litt. LL. vsque ad litt. KKK.

Post dictarum Decisionum publicationem decreta fuit Causæ expeditio, & publicatum Decretum pro ulteriori executione Sententiæ Reuerendissimi Lancettæ Decani, dicto Summario num. 2. litt. Et quamuis Illustrissimum Capitulum recursum habuerit ad Signaturam Gratia pro obtinenda signatura Commissionis in suspensuo, reiecta fuit Instantia, & decreta signatura Commissionis cum clausula

fula = *sine præiudicio Rei Iudicata* = in cuius rescripti sequelam expeditæ fuerunt Literæ Executoriales cum insertione omnium Decisionum in Causa editarum, de quibus in dicto Summario num. 2.

Transmissis ad Partes præcitatis Litteris Exequutorialibus, quamvis Illustrissimum Capitulum omnes possibiles diligentias adhibuerit, ne de facto exequutioni demanderentur, sed earum executio retardaretur, aut perpetuæ obliuioni extraderentur, nihil obtinere valuit quia adeo constans, & euidentis agnita fuerit Indicatorum Rotalium Injustitia, & exceptiones impuritatis à Capitulo propositæ, adeo euacuata, vt prætensio Reuerendissimi Capituli iniustissima, & omnifundamento destituta agnita fuerit, vt mediantibus suis recursibus non potuerit Illustrissimum Capitulum retardare dictarum Litterarum Exequutorialium exequutionem; Quocirca Literæ Exequutoriales notificatae fuerunt Illustrissimis D. Decano, & Capitulo Sanctæ Ecclesiæ Toletanæ capitulariter congregatis, Summario Num. 2. à litt. Q. Q. Q. usque ad litteram A. A. A. A., & susceptæ termino ad respondendum tandem sub die 28. Septembris dignati fuerunt Decanus, & Capitulum Ecclesiæ Toletanæ dare responsionem, in qua sub prætextu protestationis famosus Libellus contra Familiam Principalem, eiusque Ascendentes continetur, & quod incredibile videtur etiam minus decorosum huic Supremo Auditorio, & Sedi Apostolicæ, nam primò dicunt, quòd ex causa solius timoris Censurarum dictis Exequutorialibus obediebant; Sine tamè præiudicio Statuti puritatis, & reservato ipsis Iure prosequendi Litem in deuolutiuo, tam in hoc Supremo Auditorio, quam coram alijs Iudicibus, dicto Num. 2. litt. D. D. D. D., dicunt quòd ex parte Principalis non fuit adimpletum Statutum puritatis dictæ Sanctæ Ecclesiæ, ex quo Principalis in sua Genealogia declarauit prò tertijs Auis Balthaxarem Fernandez, & Madalenam Ortiz, & prò quinta Aua Isabellam de Torres, contra quos aderant graues Infectionis præsumptiones, litt. F. F. F. F., dicunt, D. Hieronymum Iamon Nepotem dd. Balthaxaris, & Madalenæ non fuisse admissum ex causa infectionis in Collegium Sancti Idelfonsi, ex qua non admissione debet præsumi impuritas, litt. G. G. G. G., dicunt, quòd ex eadem causa infectionis non fuit admissus in Collegium Sanctæ Crucis D. Ioseph Fernandez Iubera Canonicus Doctoralis Conchen., litt. I. I. I. I., dicunt, quòd aliqui Testes non audent dictam Familiam qualificare prò pura, quòdque Familia Principalis in Civitate Seguntina reputatur infecta, litt. K. K. K. K., subiungunt, quòd volente Capitulo Siguntino Anno 1644. edere Statutum rigorosum puritatis fuit impugnatum à Præbendatis consanguineis Principalis, litt. L. L. L. L., subiungunt, quòd illa vehemens præsumptio infectionis Isabellæ de Torres non tollatur, ex quo præten-

A 3

ditur,

ditur, illam fuisse originariam Acquauia, quia hæc natiuitas non fuit iustificata, nec de ea deposuerunt Testes, quinimò aliqui ex illis deposuerint, hanc natiuitatem fuisse ideatam, quodque si fuisset originaria Terræ Acquauia, fuisset probatum de tempore, quæ factæ fuerunt probationes à Collegijs, quodque in Ecclesia Tolera non admittuntur gratiæ, neque dispensationes circa Statutum puritatis, quodque Instrumenta producta pro iustificatione natiuitatis Isabellæ de Torres in Terra Acquauia non merebantur fidem, dicto *Num. 2. à litt. M. M. M. M. ad litt. S. S. S. S.*, subiungunt ulterius, quod cum ex dictis resultent vehementes præsumptiones Impuritatis, Principalis noluit se subicere nouis probationibus, sed recursum habuit ad Sac. Rotam, tandem non sine nota reprehensibili dicunt, quod Principalis habuit confidentiam in opinionibus huius Supremi Auditorij, quod in huiusmodi Causis non procedit cum illis principijs quibus proceditur in Regnis Hispaniæ, *litt. T. T. T. T.*, allegant, in hoc Supremo Auditorio nulliter in hac Causa fuisse Processum, *litt. V. V. V. V.*, tandem effutunt, Principalem in hoc Supremo Auditorio obtinuisse Sententias, & expeditionem Litterarum Executorialium *VI NEGOTIATORVM, ET PROTECTIONVM*, dicto *Num. 2. litt. A. A. A. A.*, & tandem concludunt, quod sub dicta protestatione, eaque semper firma consentiebant, vt extraderetur Procuratori D. Principalis Canonatus possessio, *litt. B. B. B. B. B.*, decernendo, vt dicta protestatio per Secretarium Capituli describeretur in Libris Capitularibus, qui sunt deputati pro huiusmodi negotijs, vtque cuilibet Capitulari extraderetur Copia illius, dicto *Num. 2. litt. C. C. C. C. C.*

Non contenti præcitati Decanus, & Capitulum hac infamatoria, & contra Christianam Charitatem protestatione, quam ad perpetuam rei memoriam registrari mandarunt in suis Libris Capitularibus plus ausi sunt, nam de tempore, quo tradita fuit Procuratori Principalis Canonatus possessio in Choro dictæ Ecclesiæ illius Cancellæ ferrea erant clausa, prout clausa semper detinentur in similibus actibus, nihilominus in casu nostro vix expleto d. actu possessionis Mandatum fuit aperiri Cancellæ ferrea Cori, ad hoc, vt in illum ingredi posset magnus Populi numerus, prout ingressus fuit, & tunc Secretarius Capituli alta, & intelligibili voce publicauit de verbo ad verbum dictam protestationem, & quod peius est, copiam illam inter Populos distributam fuerunt, dicto *Numero 2. litter. F. F. F. F. F.*

Verum quia Reverendissimum Capitulum non restituebat fructus decursos Procuratori dicti Principalis, hinc iterum notificata fuerunt Reverendissimo Capitulo Toletano Litteræ executoriales, vt

juxta earum seriem, & tenorem restituerent fructus dicti Canonici-
catus, & Præbendæ saltem a die motæ litis, dicto *Num. 2. lit. H.*
H. H. H. H., sed Reverendissimi Decanus, & Capitulum iterum in-
sistendo in dicta protestatione subiunxerunt, *QVOD IUXTA*
STATVTA, ET CONSTITVTIONES DICTÆ SANCTÆ
ECCLESIAE IN SAC. ROTA PRODVCENDÆ NON DE-
BENTVR FRVCTVS, EX QVO PRINCIPALIS RESI-
DENTIAM NON FECIT IN SCAMNO PATIENTIÆ, d.
num. 2. lit. K R K K K.

Reproductis itaque coràm Reverendissimo Domino meo Ponente
præcitatis Litteris executorialibus cum notificationibus, & actibus
supradictis, *Summario Num. 3.*, & servatis consuetis quatuor ter-
minis ad docen. de partitione, *Summario Num. 4.*, subscriptum fuit
præinsertum Dubium, quòd cum in hodierna Rota proponatur re-
scribendum speramus *non constare de partitione*, sed esse relaxandam
declaratoriam, prout enixè supplicatur.

Quandoquidem cum in Litteris executorialibus mandetur Capitulo,
vt non solum Principalem, vel eius Procuratorem liberè, & absque
vlla oppositione illum immittant in possessionem, & fructus decur-
sos restituant, dicto *Num. 2. lit. N. O. P.*, & *Q.*, vtique cum in
actis constet de intimatione dictarum Litterarum executorialium
facta à Notario Reverendissimi Nuntij Hispaniarum Decano, &
Canonicis capitulariter congregatis, ac de reproductione Littera-
rum executorialium cum notificationibus, & actibus gestis in dicto
Summario Num. 3., & servati fuerunt quatuor termini ad docen-
dum de partitione, iuxta stylum huius Sac. Tribunalis, de quo re-
statutur *Vestrius in praxi lib. 8. cap. ultimo num. 19.*, quibus omnibus
concurrentibus cum non doceatur de legitima, & plena partitione
locus est Declaratoriæ, prout contra idem Reverendissimum Ca-
pitulum Toletanum, respondet *Rota in decis. 75. coràm clar. mem.*
Alexandro VIII., & in alia *Toletana Canoniciatus 31. Ianuarij 1611.*
coràm Lancellotto Iunior. impressa post secundum volumen Consiliorum
Farinacci.

In presenti non constat de legitima obedientia, & partitione Capitu-
li, quòd cum sit insigne, & nobilissimum, eò magis tenebatur Man-
data Rotalia, seu veriùs Apostolica debita cum reverentia, obe-
dientia, & humilitate suscipere, & valde est dolendum in Capitulo
Nobili, & Catholico, quòd Mandatis Rotalibus, imò veriùs Apo-
stolicis obedire recuset, illa contemnendo, eisque indecenter con-
traveniendo, vt contra Reverendissimum Capitulum Toletanum,
dixit *Rota in dicta decis. 75. coràm San. memor. Alexandro VIII.*,
& in dicta *Decisione 308. impressa post secundum volumen Farin-*
nacci.

Et quidem ex duplici capite est decernenda declaratoria, primò quia Procuratori D. Principalis non fuit extradita possessio controuersus Canonicatus, iuxta formam Decisionum, sententiarum, & litterarum executorialium, sed contra illorum formam, cum enim hoc Supremum Auditorium per tres sententias conformes iudicauerit Principalem esse immittendum in possessionem controuersi Canonicatus, tanquam sanguine purum, & qualificatum, iuxta formam statuti Ecclesiæ Toletanæ, confirmati per Sedem Apostolicam, inde fit, vt cum Decanus, & Capitulum possessionem Procuratori Principalis extradiderint, non quia Principalis erat qualificatus secundum formam statuti, sed potius impugnando puritatis qualitatem, denigrando famam illius non dicitur per dictam traditionem possessionis obtemperasse litteris executorialibus, sed potius illas impugnando, dum hoc Sac. Tribunal Principalem declarauit purum & qualificatum, iuxta formam statuti, quodque tanquam sanguine puro, & qualificato, esset tradenda per Capitulum Canonicatus possessio, illam extradiderunt, tanquam impuro, & non qualificato, & in indiuiduo dixit *Rota in dicta decisione 308. num. 5. pressa post secundum volumèn Farinacc. S. Hinc quoque quæ datur in partibus manuscripta ibi = hinc quoque resultat contrauentio in possessione tradita, quia cum vigore statuti Ecclesiæ Toletanæ de puritate quis, debeat admitti ad Canonicatum non simpliciter, sed cum qualitate puritatis a statuto requisita, & sic possessio fit tradita Canonico cum dicta qualitate puritatis hoc non fecit Capitulum, sed potius nedum tacite, sed etiam expresse possessionem extradidit cum contraria qualitate, & sic Capitulum non solum contrauenit in non prestando, sed etiam in agendo = & subiungit præcitata Decisio rationes, scilicet quia cum dicta possessio fuerit vitiose, malitiose, & indebito tradita perinde est, ac si non fuisset tradita, neque fuisset ista paritio nam vitiose implere, & omnino non implere æquiparatur l. quoties &c., & idem est malitiose implere, & qui facit, & non facere non debet, vt perbellè probat præcitata decisio 308. n. 6. S. 1. tra quod.*

Et quidem contrauenit expresse Capitulum præcitatis Litteris Executorialibus ratione protestationis factæ in actu traditæ possessionis in qua Ascendentes D. Principalis, quos Rota puros nominatim declarauit, Reuerendissimum Capitulum è contra illos esse impuros, & ab impuris descendere professum fuit, persistendo in erroribus suppositionibus per Capitulum in Rota factis, & tam solidè nostris Decisionibus confutatis, & ulterius præteritas falsas protestationes renouando contra id, quod hoc Sac. Tribunal iudicauerat, & quasi impugnando Decisiones, & sententias rotationales de iniustitia redarguendo, & protestando de nullitate sententiarum, & quod peius est mandauit, huiusmodi protestationem referre

reseruationem remanere rescriptam in Litteris Ecclesiæ, & illam
infern in Testimonijs de possessionis à Notario dandæ cum dicta res-
pensione, quam ulterius in actu possessionis traditionis Secretarius
Capituli cum magno Populi concursu in Choro dictæ Ecclesiæ pu-
blicè legit, quasi quod Capitulum ad perpetuam huius Familiæ
ignominiam (utor verbis Decisionis Sac. Rotæ) voluerit hunc fa-
mosum libellum inquam, temerarium, & iniustum in suis Litteris
in perpetuum conseruari, tam in ignominiam D. Principalis, &
suorum Ascendentium, quos Rota puros declarauit, quam in
contemptum Iustitiæ aqua lance administratæ in hoc Supremo
Auditorio, quod de iniustitia redarguitur, & notatur, idcirco
contrauentio non potest esse magis conspicua, pro ut totidem ver-
bis ponderauit hoc Sac. Tribunal in dicta *Decisione* 308. num. 2. im-
pressa post secundum volumen Farinacci S. Quibus omnibus, quam
ad partes distribuimus, cum sit punctualissima, & in ea precise di-
cepratus fuit casus præsentis controuersiæ.

Quæ eo magis procedunt in casu nostro, non solum quia non erubuit
in dicta protestatione hoc Supremū Tribunal de iniustitia redar-
guere, assèuerando, quod in hac materia statutorum puritatis Sac.
Rota procedat cum erroneis principijs dicto num. 2. litt. TTTT., &
non solum Decisiones, & sententias de iniustitia, & nullitate redar-
guit dicto num. 2. litt. VVVV., sed quod valdè mirandum est,
& correctione dignum non erubuit in actu adeò publico, quem in-
seri fecerunt in responsione data Litteris Executorialibus, sed etiam
quasi per præconem in publica Ecclesiâ cum maximo concursu
Populi alta, & intelligibili voce dictam protestationem publicare
fecerunt, in quo inter cætera summa cum malitia, maiori iniqui-
tate, & mendaciter dixerunt, Principalem in hoc Supremo Au-
ditorio obtinuisse sententias, & expeditionem Litterarum execu-
torialium per medium negotiatorum, & mediantibus protestationi-
bus, vt ex dicto Summario num. 2. litt. AAAAA. quod mendacium
nulli magis notum esse potest, quam huic Supremo Auditorio.

Sed quo pacto id effutire potuerit Capitulum in actu adeo serio, quo-
ties apparet, sententias huius Supremi Tribunalis innixas ex solo
fundamento exuberantis iustitiæ, quodque exceptiones à Capitulo
propositæ, & in dicta protestatione repetitæ, non solum totali ca-
rebant fundamento cum in nostris Decisionibus, non solum solidis-
simis fundamentis ad satietatem euacuata fuerint, & exuberanter
probata remansit puritas Familiæ Principalis, sed etiam videtur
quasi probata impossibilitas, quod Familia Principalis potuerit es-
se infecta; tot enim efficacissimæ probationes desumptæ fuerunt ex
Processu factò à Canonico Informante, vt ex Decisionibus liquidi-
simè apparet, & Iustitia Principalis, non solum agnita fuit in hoc
Supremo Auditorio, sed etiam in Signatura Gratiæ, & Iustitiæ, ac
etiam

etiam ab Illustrissimo, & Reuerendissimo Auditore Sanctissimi, & in omnibus Tribunalibus, & quod magis gloriam augeret huius Supremi Tribunalis agnita quoque fuit à Supremis Consilijs Regnorum Hispaniæ, ad quæ Reuerendissimum Capitulum recursum habuit, & recurrere non adhuc desistit.

Quibus stantibus decernenda videtur omninò declaratoria, donec, & quousque Decanus, & Capitulum Ecclesiæ Toletanæ admittere dignentur D. Principalem ad Canoniciatus possessionem, uti Sanguine purum, & qualificatum, iuxta formam statutorum d. Sanctæ Ecclesiæ, & donec, & quousque deleatur ex Libris Capituli præcitata protestatio ad æternam Familiæ Principalis ignominiam conscripta, quia ita conuenit honestati, & legitimæ paritioni Litterarum Executorialium.

Non obstante, quod Capitulum non prohibebatur protestari, & Iura sua sibi præseruare, quia ut respondet *dicta Decisio 308. post secundum volumen Farinacci*, quod scilicet licet quis possit protestari, nec tenetur cedere iura, & prætensiones, tamen tenetur parere Executorialibus, nec potest eis contrauenire Mohedanus &c. hic autem Capitulum non stetit in solis terminis protestationis, & præseruationis Iurium, sed fecit declarationem contrariam sententijs, & Executorialibus, mandando, quod talis responsio, & declaratio registraretur in Libris Capituli, & infereretur in Testimonio possessionis à Notario dandæ, & sic multipliciter contrauenit, ut sunt verba præcitatæ decisionis, & ratione dd. contrauentionum est decernenda Declaratoria, ut discant Reuerendissimi Decanus, & Capitulum S. Ecclesiæ Toletanæ obtemperare Litteris executorialibus, & mandatis Apostolicis eo, quo par est obsequio, & reuerentia.

Ex alio capite est decernenda Declaratoria ob non factam scilicet fructuum emolumentorum quorumcumque restitutionem, ad quam in Sententia Reuerendissimi Lancetta in ulterioribus Instantijs condemnatus fuit Decanus, & Capitulum S. Ecclesiæ Toletanæ, ut liquet ex *Summario num. 2. litt. O.*, & in Executorialibus sub pena Excommunicationis mandatum fuit, ut omnia, & singula in sententia exquerentur, & executioni demandarentur *dicto num. 2. litt. P.* quodque si Decanus, & Capitulum omnia, & singula in dicta sententia non adimpleuerint fulminantur censuræ *dicto num. 2. litt. R.*, & proindè tenebantur ad restitutionem omnium fructuum & emolumentorum d. Canoniciatus, prout ex hoc capite alias hoc Sac. Tribunal declaratoriam relaxauit contra Capitulum Ecclesiæ Toletanæ in Toletana Canoniciatus 5. Nouembris 1610. coram Cardinali Lancellotto, & passim in alijs Decisionibus *ut in dec. 556. num. 1. coram Merlin.*

Non obstat, quod Decanus, & Capitulum fuerunt condemnati ad
restit-

restitutionem fructuum, reddituum, & proventuum dicti Canonici decursum usque ad actuale[m] possessionem, quatenus de iure deberentur, nam indubitatum est, quod quoties Capitulum præstat impedimentum iniustum, ne prouisus Ordinaria, seu Apostolica Auctoritate capiat Canonici possessionem, tunc illius possessio habetur pro capta, eique omnes fructus, redditus, & proventus, ac etiam distributiones quotidianæ debentur, perinde ac si possessionem cepisset, & residentiam fecisset in Ecclesia, ut per Gonzal. ad reg. 8. Cancell. §. 3. proenial. num. 38., & gloss. 27. num. 46. Barbof. de Canc. & Dignit. cap. 18. num. 13. §. Amplia. Rot. dec. 341. num. 1. & 2. coram Gregor., ubi plene adden. litt. A. ibi = & de Canonico, cui à Capitulo fuit denegata possessio, quod haberi debeat pro aduesso ad effectum gaudendi prærogatiuis, & emolumentis aliorum Canonico[rum] dixit Rota in Pacen. Canonici 27. Iunij 1612. coram Manzanedo, & in Toletana Canonici 5. Nauenbris 1610. coram Card. Lancellotto Rota coram Manzanedo dec. 274. num. 1. & 2. Rota dec. 227. coram Pamphilio, ibique Adden. Et non solum ex dispositione iuris Principali debentur restitui omnes fructus, emolumenta, & distributiones dicti Canonici ab eo tempore, quo fuit impeditus possessionem accipere ex iniusta. Reuerendissimi Capituli Imperitatis exceptione, quam fuisse iniustam deregunt decisiones, & sententiæ huius Supremi Tribunalis. canonizate per Signaturam Gratiæ, sed etiam debentur ex specialiprouisione, & dispositione Statuti dictæ S. Ecclesiæ Tolera[n]tæ confirmati in forma specifica per Sedem Apostolicam, cuius obseruantiam, non solum iurare debent omnes Canonici in primo Ingressu, sed etiam debent iurare, non impetrare, neque à Sede Apostolica, neque ab alio quocumque Prelato dicti iuramenti relaxationem d. Summ. num. 1. litt. D. §. Quod omnes, & singuli, in eo enim post specificam confirmationem Statuti puritatis Summus Pontifex motu proprio præscripsit regulam, qua fieri deberent per Canonicum Commissarium à Capitulo deputandum suscipi deberet In formationes super qualitate puritatis, eique soli concedit facultatem faciendi, & capiendi, ac conuolendi, & finiendi In formationes, & quemadmodum in Statuto declarabatur, quod si ex Probatorum, aut Hæreticorum, quod tunc non deberet admitti, nec illi de fructibus responderi Summ. num. 1. litt. C. ita quoque Summus Pontifex consulendo indemnitate prouisorum mandauit, quod si postmodum factis In formationibus, iuxta statutum, & ordinationem huiusmodi qualificatus repertus fuerit, quod tunc eo ipso pro debitorum residentie in eadem Ecclesia habetur in omnibus, & per omnia perinde ac si comparitionis, & præsensationis sue huiusmodi receptus.

& admissus, ac in possessionem corporalem Dignitatis, Canonatus
& Præbendæ &c. inductus tunc fuisset, ut ex Summ. num. 1. lit. I.
& proinde iuxta formam dicti Statuti haberi debet pro admissio-
præsente, & residente à die, quo post factas informationes reper-
tus fuerit qualificatus, quocirca cum die secunda Ianuarij 1713.
fuit in Capitulo publicatus Processus, & examinatus, quamvis Ca-
pitulum tunc Principalem non admiserit, sub prætextu, quod pro-
bationes non essent finitæ, nihilominus, quod dicta die illum ad-
mittere debuisset, cum ex Processu informatiuo facto per Canoni-
cum Commissarium, non solum nulla probata remanserit macula
Impuritatis, sed potius ad euentiam resultabat probatio purita-
tis Familiæ Principalis, utique à dicta die, quo admitti debebat,
iuxta formam Statuti debet haberi pro admissio, & residente, pe-
rindè ac si verè, & realiter ei possessio extradita fuisset, & residen-
tiam in dicta Ecclesia fecisset, ut clarè disponit præcitatum Statu-
tum d. num. 1. lit. I.

Et quidem videtur ad hunc casum respexisse Summum Pontificem
scilicet ad casum, quo ab Informationibus captis à Canonico Infor-
mante appareat de qualificatione Prouisi, & nihilominus Capitu-
lum aut denegat, aut negligit tradere Canonatus possessionem
& proindè Summus Pontifex voluit, ut ille qualificatus repertus ex
Informationibus factis à Canonico Commissario, extunc haberetur
pro recepto, & admissio, ac pro præsente, & residente in omni-
bus, & per omnia, perindè ac si verè fuisset receptus, & admis-
sus, & in corporalem possessionem inductus.

Non enim dicta pars Statuti compræhendere potest casum, quo Ca-
pitulum facta informatione, eaque visa Prouisum admittendum
esse censet, quia tunc statim illum in possessionem immittit, sed
perneceffe supponit casum, quo ex Informatione constat de qualitate
statutaria, & Capitulum differt, aut negligit tradere posses-
sionem, in hoc enim casu voluit Summus Pontifex, ut Prouisus
post factas Informationes, si ex illis constet de qualitate deberet ha-
beri pro Immisso, residente, & præsente, perindè ac si usque tunc
verè fuisset immisus in veram, & realem possessionem Canonatus
vnde cum Principali fructus sui Canonatus debeantur à dicta die
13. Ianuarij 1713., quo fuit examinatus Processus informatiuus in
Capitulo, ex quo constabat ex eo de qualitate requisita à Statuto,
ità quemadmodum dicta die debebat admitti, & pro admissio, &
Possessore debet reputari, iuxta formam dicti Statuti.

Hinc non obstat vnica exceptio, quam in sua responsione dedit Re-
uerendissimum Capitulum in notificatione Litterarum executoria-
lium, quo scilicet Principali non debentur fructus, ex quo iuxta
Statuta, & Constitutiones dictæ S. Ecclesiæ in hoc Supremo Au-
ditorio producenda non debentur fructus, ex quo residentiam non
fe-

fecit in scamno Patientiæ, *vt ex dict. Summ. num. 2. litt. K.K.K.K.K.* nam non solum Reuerendissimum Capitulum in terminis ad docendum de paritione dicta Statuta, & Constitutiones non produxit, neque adhuc producit, dicimus, quod quocumque modo res se habeat residentia in Scamno Patientiæ est necessaria in illo, qui vult lucrari fructus, & distributiones Canoniciatus à die, quo præsentat litteras suæ prouisionis, & toto eo tempore, quo sunt per Canonicum Commissarium Informationes, illæque à Capitulo videantur, itaut Scabellum Patientiæ assignatur illis, donec, & quousque fiant puritatis probationes, tunc enim ille, qui vult dicto tempore lucrari fructus, & distributiones tenetur residere in dicto scamno patientiæ,

Principalis verò non prætendit distributiones, & fructus dicti Canoniciatus à die, quo præsentauit litteras suæ prouisionis in Capitulo die 3. Octobris 1712. vsque ad diem secundam Ianuarij 1713. quo post finitas Informationes à Canonico informante fuerunt per Capitulum examinatæ, *vt ex Summ. Decisionum aliàs distributo nu. 70.* sed prætendit sibi debitos esse fructus, & distributiones dicti Canoniciatus à dicta die secunda Ianuarij 1713., qua iuxta formam Statuti debebat admitti, & non fuit ad possessionem summa cum iniustitia admissus, à dicta enim die 2. Ianuarij 1713. vsque ad præsens, ex quo ex iniusto facto Capituli fuit impeditus capere possessionem Canoniciatus, in Ecclesia residere, & Horis Canoniciis interesse, vtique à dicta die illi debentur fructus, & distributiones, tam ex dispositione Iuris, quàm ex forma Statuti dictæ S. Ecclesiæ confirmati per Sedem Apostolicam, *vt supra probatum fuit.*

Nec euitari potest declaratoria sub prætextu quod non fuerunt liquidati fructus, & distributiones Principali debite à die 2. Ianuarij 1713. vsque ad diem traditæ, seu tradendæ possessionis: quoniam tunc sub dicto prætextu retardari potest relaxatio declaratorie, quoniam Rmum Capitulum obsequendo, prout par erat Litteris Executorialibus in termino ad docendum de paritione comparuisset, & fecisset depositum alicuius quantitatis, & se obligasset soluere residuum post factam liquidationem, *vt obseruant Postb. de manuten. obseruat. 103. num. 21., & sequen. Adden. ad Buratt. decis. 17. num. 6. vers. dum autem nihil offert Rota decis. 254. num. 8. part. 6., & dec. 12. num. 8. par. 11. cum alijs adductis in Augustana Canoniciatus super Declaratoria 7. Maij 1723. coram Reuerendissimo Ponente.*

Vltra quod etiam si Reuerendissimum Capitulum comparuisset, & opposuisset liquidationem, & fecisset depositum, adhuc tamen non posset in hoc casu declaratoriam euitare, nam cum Reuerendissimum Capitulum habeat panes se libros, in quibus sunt adnotati fructus, & distributiones, quæ singulis Canoniciis præstat singulis

Quare &c.

Vitus Angelus Caualletti.

CORIO

Torino, 1891

Il sottoscritto
dott. ...
co. ...
...
...
...
...
...
...

...
...
...

R. P. D.

CORIO


*Toletana Canoniciatus super
Declaratoria*

P R O


Illmo D. Iosepho Fernandez Iube-
quirore Regni Murtiæ, ac Ca-
co S. Ecclesiæ Toletanæ.

C O N T R

Illmos DD. Decanum, & Capitulum
S. Ecclesiæ Toletanæ.



Facti.


Typis Zinghi, & Monaldi 1714